

ZAKON
O UPISU STVARNIH PRAVA NA NEKRETNINAMA
U VLASNIŠTVU BRČKO DISTRIKTA BOSNE I HERCEGOVINE

U skladu s članom 23 Statuta Brčko distrikta BiH («Službeni glasnik Brčko distrikta BiH» broj 1/00), Skupština Brčko distrikta BiH na 96. sjednici održanoj 22. jula 2004. godine, usvaja

ZAKON

O UPISU STVARNIH PRAVA NA NEKRETNINAMA U VLASNIŠTVU BRČKO DISTRIKTA BOSNE I HERCEGOVINE

Član 1

Ovim zakonom se uređuje način upisa stvarnih prava na nekretninama koje su vlasništvo Brčko distrikta Bosne i Hercegovine (u daljnjem tekstu: Brčko distrikt).

Član 2

Osnovni sud Brčko distrikta će po službenoj dužnosti izvršiti upis prava vlasništva i bilo kojeg drugog stvarnog prava u korist Brčko distrikta na svim nekretninama, upisanim u zemljišnim knjigama tog suda, na kojima je do stupanja na snagu ovog zakona kao vlasništvo bila upisana općenarodna imovina, društveno vlasništvo, državno vlasništvo, vlasništvo zemljišnog fonda agrarne reforme i kolonizacije, vlasništvo društveno-političkih organizacija, mjesnih zajednica i drugih pravnih lica u društvenom ili državnom vlasništvu ili bilo koji drugi oblik vlasništva osim privatnog.

Član 3

Upisi prava upravljanja, korišćenja i raspolaganja na nekretninama iz člana 2 ovog zakona, bez obzira na vrstu i oblik organizovanja titulara tih prava, brišu se po službenoj dužnosti.

Član 4

Odredbe članova 2 i 3 shodno se primjenjuju i na promjene stanja u katastarskom operatu Distrikta.

Član 5

Ovaj zakon stupa na snagu 8. (osmog) dana od dana objavljivanja u «Službenom glasniku Brčko distrikta BiH».

Босна и Херцеговина
БРЧКО ДИСТРИКТ
БОСНЕ И ХЕРЦЕГОВИНЕ
СКУПШТИНА БРЧКО ДИСТРИКТА

Bosna i Hercegovina
BRČKO DISTRIKT
BOSNE I HERCEGOVINE
SKUPŠTINA BRČKO DISTRIKTA

Broj: 0-02-022-233/04
Brčko, 22. juli 2004. godine

PREDSJEDNIK
SKUPŠTINE BRČKO DISTRIKTA

Mirsad Đapo, dipl. pravnik

